



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1508708**

**ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ**

03 հուլիսի 2020թ.

Բ. Երևան
(կազմման վայրը)

Ակտի հասցեատեր

«Դրուժբաշին» Ա/Կ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

0	7	6	1	1	0	8	2
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

Տավուշի մարզ, ք.Դիլիջան, Դիլիջան Վանաձոր մայր. 3

(անհատ ձեռնարկատիրոջ հաշվառման հասցեն կամ իրավաբանական անձի գրանցված վայրի հասցեն)

Խախտման նկարագրությունը

ՀՀ ՊԵԿ ՀՕՀՎ պետի 11.05.2020թ-ի թիվ 1508708 որոշման համաձայն «Դրուժբաշին» Ա/Կ-ի նկատմամբ իրականացված օպերատիվ հետախուզական միջոցառումների շրջանակներում պարզվել է, որ արտադրական կոդերատիվը առանց համապատասխան ընդերքօգտագործման թույլտվության մոտ մեկ ամիս, պարբերաբար իր գործունեության՝ ք.Դիլիջան, Վանաձոր մայրուղի 3, հասցեում գտնվող արտադրամասից մոտ 200 մետրից մինչև 1.000 մետր հեռավորությամբ՝ Աղստև գետի տարբեր հատվածներից, Ա/Կ-ին պատկանող տրանսպորտային միջոցներով արդյունահանել է ավազակոպճային խառնուրդ և տեղափոխել իր արտադրական տարածք:

Մասնավորապես, իրականացված ՕՀՄ-ի շրջանակներում արձանագրվել է, որ 04.06.2020թ.-ին ժամը 14:40-ին Ա/Կ-ի աշխատակիցներ Հունան Ղազարյանը և Ալեքսեյ Նովիկովը արտադրական կոդերատիվի նախագահ Վարդան Մուկույանի հանձնարարությամբ՝ Ա/Կ-ին պատկանող տրանսպորտային միջոցներով, այն է՝ «ԿԱՄԱԶ» մակնիշի 114 LU 57 հաշվառման համարանիշի բեռնատարով և 0409 LS հաշվառման համարանիշի էքսկավատորով «Դրուժբաշին» Ա/Կ-ի արտադրական տարածքից մոտ 200 մ. հեռավորությամբ իրականացրել են ավազակոպճային խառնուրդի արդյունահանում:

Վերոգրյալը հիմնավորվել է նաև «Դուրժբաշին» Ա/Կ-ի նախագահ Վարդան Մուկուչյանի կողմից ներկայացված գրավոր բացատրությունով և հայտարարությամբ:

Թիվ 1508708 արձանագրությամբ 04.06.2020թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել վարչական վարույթին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, «Դուրժբաշին» Ա/Կ-ի կողմից առանց օրենքով նախատեսված համապատասխան թույլտվության ավագի արդյունահանումը պատասխանատվություն է առաջացնում ՀՀ հարկային օրենսգրքի 408-րդ հոդվածի 1-ին մասով, ըստ որի՝ Համալիր հարկային ստուգումների ընթացքում և (կամ) «Օպերատիվ-հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների արդյունքում հայտնաբերված՝ «Լիցենզավորման մասին» Հայաստանի Հանրապետության օրենքին համապատասխան լիցենզավորման ենթակա գործունեությունն առանց լիցենզիայի իրականացնելու կամ «Գործունեության իրականացման ծանուցման մասին» Հայաստանի Հանրապետության օրենքին համապատասխան ծանուցման ենթակա գործունեությունն առանց ծանուցման իրականացնելու կամ առանց թույլտվության կամ առանց լիցենզիայի ընդերքը կամ բնական պաշարներն օգտագործելու (այդ թվում՝ լիցենզիայի կամ թույլտվության գործողությունը կամ ծանուցման ենթակա գործունեությամբ զբաղվելու իրավունքն օրենքով սահմանված կարգով կասեցված լինելու) դեպքում գործունեության յուրաքանչյուր տեսակի մասով կազմակերպությունից կամ անհատ ձեռնարկատիրոջից գանձվում է տուգանք՝ լիցենզիայի կամ թույլտվության տրման կամ ծանուցման ենթակա գործունեությամբ զբաղվելու իրավունք ձեռք բերելու համար օրենքով սահմանված պետական տուրքի դրույքաչափի տասնապատիկի չափով, բայց ոչ պակաս 500 հազար դրամից:

Նույն հոդվածի 3-րդ մասի համաձայն՝ սույն հոդվածի 1-ին և 2-րդ մասերով սահմանված խախտումներ հայտնաբերվելու դեպքերում խախտումներ կատարած կազմակերպությունից կամ անհատ ձեռնարկատիրոջից գործունեության յուրաքանչյուր տեսակի մասով գանձվում է նաև լիցենզիան տալու կամ ծանուցման ենթակա գործունեությամբ զբաղվելու իրավունք ձեռք բերելու համար օրենքով սահմանված պետական տուրքի (տարեկան պետական տուրքի գանձման օբյեկտի դեպքում՝ մեկ տարվա պետական տուրքի) դրույքաչափին համապատասխան գումարի չափով վնասի հատուցում:

Ընդերքի մասին ՀՀ օրենսգրքի 78-րդ հոդվածի համաձայն՝ սույն օրենսգրքի պահանջների խախտման համար ընդերքօգտագործողները և (կամ) նրանց պաշտոնատար անձինք կրում են Հայաստանի Հանրապետության օրենքներով սահմանված կարգով պատասխանատվություն: Արգելվում է առանց ընդերքօգտագործման իրավունքի ընդերքօգտագործման իրականացումը: Առանց սույն օրենսգրքով սահմանված թույլտվությունների օգտակար հանածոների արդյունահանում կամ օգտակար հանածոների արդյունահանման նպատակով երկրաբանական ուսումնասիրություն իրականացնելն առաջացնում է Հայաստանի Հանրապետության հարկային օրենսգրքով սահմանված պատասխանատվություն:

«Պետական տուրքի մասին» ՀՀ օրենքի 19.4-րդ հոդվածի 3-րդ կետի համաձայն շինանյութերի արտադրության հումքի, այդ թվում՝ երեսպատման, շինարարական քարերի, լցանյութերի և բալաստային հումքի յուրաքանչյուր հանքավայրի օգտագործման (շահագործման) թույլտվության տրամադրման համար տարեկան պետական տուրքը հաշվարկվում է բազային տուրքի 500-ապատիկի չափով:

«Պետական տուրքի մասին» ՀՀ օրենքի 8-րդ հոդվածի համաձայն պետական տուրքի դրույքաչափերը սահմանվում են գնահատման ենթակա գույքի արժեքի կամ սույն օրենքով սահմանված բազային տուրքի նկատմամբ: Բազային տուրքի չափ է սահմանվում 1.000 դրամը:

Տվյալ դեպքում «Դրուժբաշին» Ա/Կ-ի կողմից խախտումը վերջին մեկ տարվա ընթացքում կատարվում է առաջին անգամ: Օրենքով սահմանված կարգով պետական տուրքը հաշվարկվում է 500.000 ՀՀ դրամ, որի տասնապատիկը կազմում է 5.000.000 ՀՀ դրամ, ուստի օրենսդրական պահանջից ելնելով «Դրուժբաշին» Ա/Կ-ի նկատմամբ կիրառելի է 5.000.000 ՀՀ դրամ տուգանք, ինչպես նաև 500.000 ՀՀ դրամ վնասի հատուցում:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և «Դրուժբաշին» Ա/Կ-ին գանձման առաջադրել 5.000.000 ՀՀ դրամի չափով տուգանք և 500.000 ՀՀ դրամի չափով վնասի հատուցման գումար որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 408-րդ հոդվածի 1-ին մասով սահմանված տուգանք, ընդամենը, որից՝	5.000.000	պետական բյուջե	900008000490
Հարկային օրենսգրքի 408-րդ հոդվածի 3-րդ մասով սահմանված վնասի հատուցման գումար, ընդամենը, որից՝	500.000	X	X
Ընդամենը	5.500.000		

2. Ընդունել ի գիտություն՝

1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:

- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնավար անձի
պաշտոնը, անունը և ազգանունը

Կ.Տ.



[Handwritten signature]

ստորագրությունը

Ստացա ակտի մեկ օրինակը

ընդամենը 4 էջ

տնօրեն Վարդան Մուկուչյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պատասխանատու անձ՝ հատուկ առաքման դեպքում)

ստորագրությունը

„_____” _____ 2020թ.